



Sabtu, 08 Juli 2023

Ogen: kuan-kuanen 1:22



Erlajar Gelah Ula Motu



Sekalok motivator, Arthur Wellesley ngerana nina *"Orang bijak belajar ketika mereka bisa. Orang bodoh belajar ketika mereka terpaksa."* Kalimat enda nuriken maka semangat erlajar e min rehna i bas pusuh nari. Erlajar e min jadi sada kebutuhan. Adi ipaksa erlajar, tuhu banci beluh tapi kentisik, murah ka lupa. Kata hikmat si ituliskan Salomo enda nuate iangka kerina anak singuda, si biakna semangat denga gelahna pentar ncibalken kiningudanna. Gelah banci ia pentar, tetap arus erlajar. Pentar i je labo terjeng erpemeteh si banci teraloken alu logika tapi beluh encibalken pemeteh e i bas lagu langkah si teptep wari. Anak-anak si pentar ietehna norma-norma entah orat nggeluh selaku anak si nguda e me; semangat i bas erdahin, megenggeng erdahin, lenga gia melala ulihna, usur-usur ndahikensa alu dem kesabaren, la pedas kelsehen. Rananna sikap man beginken ras erkesehen. Secara moral, ijagana kebadian dirina, la murah ijolahjoleken pengajuk doni. Dahin-dahin si encedai masyarakat itulakna, umpamana erjudi alu si tatapen ayo entah erjudi online, free sex, nyabu ras pengedar sabu-sabu ras sidebanna. Engkai maka si enda itulakna kerina? Erkiteken nggit erlajar maka rugi pelin-pelin adi ikuti pengajuk doni. Si perlu ilumbaken anak singuda e me integritas diri; bujur, tutus, ertanggungjabap, terus terang, mejingkat, bersih ras sidebanna. Guna nggeluh bujur enda pe perlu latihan. Latihan enda tentuna benaken i bas jabu nari. Adina kisas kita ngajari anakta, subuk kerna kiniteken, pemetehna, emosionalna, skillna situhuna desken kita ndeliskan bana. Adi pagi tinadingta e ipekena-kenana, tapi la lit pemetehna, keru nge sengkemirep mata. Anakta erkiniteken, erpemeteh ras ajar ken karakter si mehuli. Dukung kerina cara pendidiken si lit, ngit kita erkorban gelah anakta e pagi jadi kalak si erguna. Si la nggit erlajar, kebodohen sikerajangenna. Si nggit erlajar, ngasup ngaturken dirina ras kalak sideban.